



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI 12

TSHIVENDA LUAMBO LWA HAYANI (HL)

BAMMBIRI LA VHUVHILI (P2)

LARA 2012

MARAGA: 80

TSHIFHINGA: awara 2½

Bammbiri ili li na masiatari a 22.

PFESESANI

1. Ni humbelwa uri ni vhale siatari ili nga vhuronwane ni sa athu u fhindula mbudziso.
2. Ni songo didina nga u vhala bammbiri lothe. Tolani siatari la Zwi re Ngomu ni swaye nomboro dza mbudziso dzo disendekaho kha bugu dze na guda riwaha uno.
3. Bammbiri heli li na KHETHEKANYO THARU:

KHETHEKANYO YA A: Vhurendi (30)
 KHETHEKANYO YA B: Nganea (25)
 KHETHEKANYO YA C: Dirama (25)

4. Fhindulani mbudziso THANU dzo fhelela: tharu kha KHETHEKANYO YA A, nthihi kha KHETHEKANYO YA B na nthihi kha KHETHEKANYO YA C nga ndila i tevhelaho:

4.1 KHETHEKANYO YA A: VHURENDI

ZWIRENDO ZWO RANDELWAHO: Fhindulani mbudziso MBILI. TSHIRENDO TSHI SONGO RANDELWAHO: Fhindulani mbudziso NTHIHI.

4.2 KHETHEKANYO YA B: NGANEA

Fhindulani mbudziso NTHIHI.

4.3 KHETHEKANYO YA C: DIRAMA

Fhindulani mbudziso NTHIHI.

5. KUNANGELE KWA PHINDULO KHA KHETHEKANYO YA B (NGANEA) NA YA C (DIRAMA).

5.1 Fhindulani mbudziso idzi ndapfu na pfufhi u bva kha nganea na dirama zwe na funzwa.

5.2 Kha KHETHEKANYO YA B na YA C, fhindulani MBUDZISO NDAPFU NTHIHI na MBUDZISO PFUFHI NTHIHI. Arali na fhindula mbudziso ndapfu kha KHETHEKANYO YA B, ni fanela u fhindula mbudziso pfufhi kha KHETHEKANYO YA C. Arali na fhindula mbudziso pfufhi kha KHETHEKANYO YA C, ni fanela u fhindula mbudziso ndapfu kha KHETHEKANYO YA B.

5.3 Mutevhe wa u sedzulusa u do ni thusa.

6. VHULAPFU HA PHINDULO

- 6.1 Vhulapfu ha phindulo ya mbudziso ndapfu kha vhurendi ndi maipfi a u bva kha 250 u ya kha 300.
 - 6.2 Vhulapfu ha phindulo ya mbudziso ndapfu kha nganea na kha dirama ndi maipfi a u bva kha 400 u ya kha 450.
 - 6.3 Vhulapfu ha phindulo ya mbudziso pfufhi kha vhu tshimbilelane na maraga dzo nekedzwaho.
7. Tevhedzani ndaela dzo nekedzwaho mathomoni a khethekanyo iñwe na iñwe nga vhuronwane.
 8. Nomborani phindulo dzañu kokotolo sa zwe mbudziso dza nomboriswa zwone kha bammbiri la mbudziso.
 9. Thomani khethekanyo INWE na INWE kha siatari LISWA.
 10. Nwalani nga vhudele, nahone zwi vhaleaho.
 11. Ndangatshifhinga yo anganywaho:

KHETHEKANYO YA A: minetse ya 40
KHETHEKANYO YA B: minetse ya 55
KHETHEKANYO YA C: minetse ya 55

ZWI RE NGOMU**KHETHEKANYO YA A: VHURENDI****Vhurendi ho randelwaho: Fhindulani mbudziso MBILI DZINWE NA DZINWE.**

NOMBORO	MBUDZISO	MARAGA
1. Vhaswa vha Afurika Tshipembe	Mbudziso ndapfu	10
KANA		
2. Nyimbo dza vhana vha zwihole na mabofu vha Letaba na Siloe	Mbudziso pfufhi	10
KANA		
3. Vhungoho na vivho	Mbudziso pfufhi	10
KANA		
4. Muvhuso wa Nama	Mbudziso pfufhi	10
NA		

Vhurendi vhu songo randelwaho: Fhindulani mbudziso NTHIHI.

5. Nanga ene hu vhe u guma	Mbudziso ndapfu	10
KANA		
6. Nanga ene hu vhe u guma	Mbudziso pfufhi	10

KHETHEKANYO YA B: NGANEA**Fhindulani mbudziso NTHIHI.***

7. <i>Tshi do lilwa</i>	Mbudziso ndapfu	25
KANA		
8. <i>Tshi do lilwa</i>	Mbudziso pfufhi	25
KANA		
9. <i>Bulayo lo talifhaho</i>	Mbudziso ndapfu	25
KANA		
10. <i>Bulayo lo talifhaho</i>	Mbudziso pfufhi	25
KANA		
11. <i>Mafeladambwa</i>	Mbudziso ndapfu	25
KANA		
12. <i>Mafeladambwa</i>	Mbudziso pfufhi	25

KHETHEKANYO YA C: DIRAMA**Fhindulani mbudziso NTHIHI.***

13. <i>Ha u tsa ndi ha u gonya</i>	Mbudziso ndapfu	25
KANA		
14. <i>Ha u tsa ndi ha u gonya</i>	Mbudziso pfufhi	25
KANA		
15. <i>Milomo ya nukala</i>	Mbudziso ndapfu	25
KANA		
16. <i>Milomo ya nukala</i>	Mbudziso pfufhi	25

***PFESESANI:** Kha KHETHEKANYO YA B na YA C, fhindulani MBUDZISO NDAPFU NTHIHI na MBUDZISO PFUFHI NTHIHI.

MUTEVHE WA U SEDZULUSA

Ivhani na vhutanzi ha uri no fhindula mbudziso dzo^{the} nga u vhea luswayo kha uyu mutevhe wa u sedzulusa:

KHETHEKANYO	MBUDZISO	TSHIVHALO TSHA MBUDZISO TSHO TEAHO	X
A: Vhurendi (Tshirendo tsho randelwaho)	1–4	2	
A: Vhurendi (Tshirendo tshi songo gudelwaho)	5–6	1	
B: Nganea (Mbudziso ndapfu kana mbudziso pfufhi)	7–12	1	
C: Dirama (Mbudziso ndapfu kana mbudziso pfufhi)	13–16	1	
*PFESESANI: Kha KHETHEKANYO YA B na YA C, fhindulani MBUDZISO NDAPFU NTHIHI na MBUDZISO PFUFHI NTHIHI.			

KHETHEKANYO YA A: VHURENDI**VHURENDI HO RANDELWAHO/GUDELWAHO**

Fhindulani mbudziso MBILI kha NNA dzo vhudziswaho.

MBUDZISO 1 (MBUDZISO NDAPFU)

Vhalani tshirendo tshi tevhelaho nga vhuronwane ni kone u fhindula mbudziso yo vhudziswaho.

Vhaswa vha Afurika Tshipembe – L Ndlovu

- 1 Sedzani Afurika Tshipembe liswa li si na mangai,
- 2 Kandani nga ɳayo dzi si na mapeta.
- 3 Milomo a yo ngo tsha hungwa nga nnzi dza mulayo
- 4 Ambani o ʈambaho, a si na maphinde na mavhende vhutshiloni.
- 5 Vhuinwi hanu nga vhu bvuke
- 6 Vhu bvuke ni khane sa ɳamana.
- 7 Thanga dzanu dzi thathabe vhunga dza luanakha,
- 8 Maṭo malapfu nga a dzhene gomeleloni la vhuvhoni
- 9 Manovho a na rama ni si zwi ambare.
- 10 Ambarani lukuna ni fungé denzhe kha Afurika Tshipembe liswa
- 11 Afurika Tshipembe liswa li ʈonga nga madadzwane alo,
- 12 Madadzwane a ambare nguwanе ya lino,
- 13 I sa nge muhala ningoni ya kholomo
- 14 Kana tshiniina tsha musuku ningoni ya nguluvhe.

Sengulusani ndila ine kunangele kwa maipfi kwa tutuwedza thalutshedzo ya tshirendo itshi.

[10]

KANA

MBUDZISO 2 (MBUDZISO PFUFHI)

Vhalani tshirendo tshi tevhelaho nga vhuronwane uri ni ḋo kona u fhindula mbudziso dzo disendekaho khatsho.

Nyimbo dza vhana vha zwihole na mabofu vha Letaba na Siloe – NA Milubi na vhar̄we

1 Ndo ni thetshelesa miñwaha ya fumi
 2 Miñwaha ya fumi ndo tshila lwa vhuñtungu
 3 Ndi tshi lila u fhaña murango wa ipfi
 4 Une wa vha tshiñanga tsha vhuñhole hanu.
 5 Nyimbo dzanu dži dzikusa vhuñpfif hanga
 6 Nda tikimela tshikhalañi tsha vhuñhwii
 7 Hone shondoni la maipfi a vhuñrendi
 8 Hu hanaho u imba khuwa ya vhuñtungu.
 9 Mbilu yanga i tñudza i sa fhidzi
 10 I tshi humbula vhuñhole hanu
 11 Matø anga a pofula ndo ruða
 12 Musi ndi tshi humbula vhuñpofu hanu.
 13 Maipfi anu o tñamba lwa u tñamba
 14 O ni rengulula kha vhuñhole na vhuñpofu
 15 Ho dzidzivhadzaho mimuya yanu
 16 Na vho vhalwa-vho na vhuñhuya.
 17 Tanganedzani mpho ye na swiswiwa
 18 We a vhuñumba zwothe zwivhumbwa
 19 Ha nga tendi na khathihi
 20 Ni tshi dzula ni kha vhuñpuli ha vhuñhole na vhuñpofu.

- 2.1 Topolani mutualadzi/vese ine ya amba uri murendi vhuñrendi he a vhu thoma vhuñ vha na thuso kha vhañolefhalii. Tikedzani phindulo yanu. (2)
- 2.2 Tñalutshedzani muhumbulo muhulwane wo faredzwaho kha ndima/tshiñanza 2? (2)
- 2.3 Ndi figurañde ya muambo ye murendi a i shumisa kha vese 6, nahone o i shumisela u bveledza muhumbulo ufhio? (2)
- 2.4 Vhuñipfi ha murendi ndi vhuñflio tshirendoni itshi? Tikedzani phindulo yanu. (2)
- 2.5 Murendi u vhuñna vhañolefhalii avha a fhiruludza kha vhuñholefhalii havho. Tñandavhudzani fhungo ili. (2)
- [10]

KANA

MBUDZISO 3 (MBUDZISO PFUFHI)

Vhalani tshirendo tshi tevhelaho nga vhuronwane uri ni ḋo kona u fhindula mbudziso dzo disendekaho khatsho.

Vhungoho na vivho – TT Mudau

- 1 Vhungoho na vivho ndi tshimange na mbevha,
2 Nge zwēthe mulilo zwi si okelane.
3 Vivhi ndi vhulāda, vhungoho ha amba la revha,
4 Naho tshadzo mboho idzi mbili hu u būdulana.
- 5 Mutshilitshili wa vivho ndi vhutsilu,
6 Ngeno vhungoho vhu tshi phukhula nga ndivho.
7 Tsha vivho ndi u gungula na u fara nga mbilu,
8 Ngeno vhungoho vhu tshi lī hāda sa khwivho.
- 9 Mudzia-u-vhivha-hōthe ndi mūlambilu,
10 Iwe demokirasi
11 Nge na wa muniwe mukovhe zwe khakhea.
12 Tshidini ndi u tama vhutali ngeno wo bebwa u tsilu,
13 Wa hangwa uri zwi ṭodwaho nga vhungoho zwi a phethea.
- 14 Vhungoho ndi tshiphiri tsho vhumbaho muthu na shango,
15 U vhu hanedza ndi hone u shaya nzhele,
16 Nge hone vhun̄e vhu sa shavhe mivhang,
17 Vhunga kha hone vhu si na ndele.
- 18 Thi mangali na iwe a hanedzaho zwine nda amba,
19 Vhunga tshira tshau ndi hone vhutsilu.
20 Vhangaho iwe ndi vhone vhe vha anda.
21 Thetshelesa u pfe, u litshe u lā mbilu.

- 3.1 Topolani vese/mutaladzi une wa amba uri vhungoho na vivho ndi zwithu zwivhili zwi sa andani. (2)
- 3.2 Talutshedzani muhumbulo muhulwane wo faredzwaho kha ndima 1. (2)
- 3.3 Ndi figara-de ya muambo yo shumiswaho kha vese/mutaladzi 14 nahone murendi u khou ṭoda u ri vhudza zwifhio ngayo? (2)
- 3.4 Vhudipfi ha murendi ndi vhufhio tshirendoni itshi? Khwathisedzani. (2)
- 3.5 Murendi u vhona vhungoho na vivho nga ndila yawe. I ṭandavhudzeni. (2)
[10]

KANA

MBUDZISO 4 (MBUDZISO PFUFHI)

Vhalani tshirendo tshi tevhelaho nga vhuronwane uri ni do kona u fhindula mbudziso dzo disendekaho khatsho.

Muvhuso wa Nama – NA Milubi na vhañwe

- | | |
|----|--|
| 1 | Muvhuso wa nama |
| 2 | U kukuña vhawo sa ndungula |
| 3 | Vha vho mangala vho no vha nnda mutavhani |
| 4 | Sa khovhe vha tshi khou ratha-ratha nga mutshila |
| 5 | Vha tshi lilela u vhuedzedzwa mañini. |
| 6 | Yawee! Ndi ngani hoyu muvhuso wa nama hoyu |
| 7 | U tshi fhuredza wa kukuña vha mañana na mañana |
| 8 | Ngeno muvhuso u daho |
| 9 | Sa vhulungu ha mañi |
| 10 | U tshi dobedza vha si gathi. |
| 11 | Yawee! Elelwani nandi |
| 12 | Uri musuku a u wanali nnda luvhalani |
| 13 | U rola musuku |
| 14 | Zwi ṭoda yone ngolovane |
| 15 | I no tsa fhasi |
| 16 | Yo tsa fhasi-fhasi |
| 17 | Ya rola ya vhuisa musuku |
| 18 | Thwavhañdi vhukuma. |

- | | | |
|-----|---|-----|
| 4.1 | Topolani vese/mutaladzi u ne wa amba uri muvhuso wa nama wo fara vhathu vhanzhi vhukuma. | (2) |
| 4.2 | Muhumbulo muhulwane une ra u wana kha ndima 1 ndi ufhio? | (2) |
| 4.3 | Ndi figara-de ya muambo yo shumiswaho kha vese/mutaladzi 4? Nahone murendi u ṭoda u bveledza muhumbulo ufhio ngayo? | (2) |
| 4.4 | Vhudipfi ha murendi ndi vhufhio kha tshirendo itshi? Tikedzani. | (2) |
| 4.5 | Murendi u vhona muvhuso wa nama nga ndila yawe. Tandavhudzani. | (2) |
- [10]

NA

VHURENDI VHU SONGO GUDELWAHO/RANDELWAHO

Fhindulani mbudziso NTHIHI kha MBILI dzo vhudziswaho.

MBUDZISO 5 (MBUDZISO NDAPFU)

Vhalani tshirendo tshi tevhelaho uri ni do kona u fhindula mbudziso yo disendekaho khatsho.

Nanga ene hu vhe u guma – TR Ratshiṭanga

- 1 U tshi ḥoda mufunwa dzula u humbule,
- 2 U range u ḥivha uri zwa lufuno a si mutambo.
- 3 Vha u khakhisaho u sedze u fhumule.
- 4 Nge na iwe muṇe nqivho yau ndi khulu kha ya vhuṭambo.

- 5 O u tswaho ngelelo yau ngavhe e muvhuya,
- 6 E o nakaho luhulusa mbiluni yau,
- 7 A sandaho mishumo mivhi, a khoda zwivhuya.
- 8 A sa fhaṭe na iwe nge a emula danga lau.

- 9 Ngavhe uļa we lunako lu sa mu ite phuli ya tshivhi,
- 10 Vhunga onoyo u ḥikukumusela uri shango lo mu lindela.
- 11 Naho wa ḥiita muđivhi, vhuvhvi hawe a u nga vhu thivhi,
- 12 Ngeno kha zweṭhe a tshi ḥiita ndele.

- 13 Shango ndi la vhanzhi, ngeno muđi u wa vhavhili.
- 14 Ane wa fhaṭa nae ndi uyo a imaho na iwe,
- 15 Ane naho e na vhabebi a ḥivha uri wavho ndi wa vhavhili.
- 16 Wawe u na lwalo luhura, nge u wawe na iwe.

- 17 Wana onoyo u vhe wo wana shaka-shaka,
- 18 Line u sa ḥa la mbilu kana u fhaṭulula.
- 19 Tshifhaṭo tsha basha ḥivhuya tshone a tshi na mavhaka.
- 20 Wana ḥenelo u thivhele vhukhakhi ha u anulula.

Talutshedzani ndila ine mitaladzi ya ḥutuwedza ngayo ḥthalutshedzo ya tshirendo itshi.

[10]

KANA

MBUDZISO 6 (MBUDZISO PFUFHI)

Vhalani tshirendo tshi tevhelaho uri ni ḋo kona u fhindula mbudziso dzo disendekaho khatsho.

Nanga ene hu vhe u guma – TR Ratshiṭanga

- 1 U tshi ḍođa mufunwa dzula u humbule,
 2 U range u ḋivha uri zwa lufuno a si mutambo.
 3 Vha u khakhisaho u sedze u fhumule.
 4 Nge na iwe muñe nqivho yau ndi khulu kha ya vhutambo.
- 5 O u tswaho ngelelo yaunga vhe e muvhuya,
 6 E o nakaho luhulusa mbiluni yau,
 7 A sandaho mishumo mivhi, a khođa zwivhuya.
 8 A sa fhaṭe na iwe nge a emula danga lau.
- 9 Nga vhe uļa we lunako lu sa mu ite phuli ya tshivhi,
 10 Vhunga onoyo u ḋikukumusela uri shango ḥo mu lindela.
 11 Naho wa ḋiita muđivhi, vhuvhi hawe a u nga vhu thivhi,
 12 Ngeno kha zweṭhe a tshi ḋiita ndele.
- 13 Shango ndi la vhanzhi, ngeno muđi u wa vhavhili.
 14 Ane wa fhaṭa nae ndi uyo a imaho na iwe,
 15 Ane naho e na vhabebi a ḋivha uri wavho ndi wa vhavhili.
 16 Wawe u na lwalo luhura, nge u wawe na iwe.
- 17 Wana onoyo u vhe wo wana shaka-shaka,
 18 Line u sa ḋo la mbilu kana u fhaṭulula.
 19 Tshifhaṭo tsha basha ḥivhuya tshone a tshi na mavhaka.
 20 Wana ḥenelo u thivhele vhukhakhi ha u anulula.

- 6.1 Ndi nnyi uyo ane ha pfi nanga ene hu vhe u guma? Tikedzani. (2)
- 6.2 Bulani zwithu zwivhili zwine muthu uyo a tea u vha e zwone. (2)
- 6.3 Ndi thikho/ḥođea/tshiga-đe tsha vhurendi tsho shumiswaho kha vese 11 nahone murendi o tshi shumisa u bveledza muhumbulo ufhio? (2)
- 6.4 Ni guda mini tshirendoni itsi? (2)
- 6.5 Ni a imana na zwine murendi a khou amba tshirendoni itsi. Tikedzani. (2)
- [10]

THANGANYELO YA KHETHEKANYO YA A: 30

KHETHEKANYO YA B: NGANEA

Fhindulani mbudziso NTHIHI kha khethekanyo iyi.

MBUDZISO 7 (MBUDZISO NDAPFU)***TSHI DO LILWA – NE Phaswana***

Sengulusani ni tshi sumbedza kubveledzelwe kwa muanewa dendele nganeani iyi. [25]

KANA**MBUDZISO 8 (MBUDZISO PFUFHI)*****TSHI DO LILWA – NE Phaswana***

Vhalani tshipida tsha mafhungo tshi bvaho buguni iyi uri ni do kona u fhindula mbudziso dzi no tshi tevhela.

Amen! Khumbelo yanga kha vhakhethwa vha Mudzimu ndi ya dzithabelo. Ndi humbelu uri vha tshi ya magonani vha si nkhangwe. Arali zwi tshi konadzea kha vha ri zwenezwi vha tshi nthabelisa, vha tou bula na dzina langa. Nne ndi wa ha Netbulwe; dzina langa ndi Dzhalagoma. Vho-Luvhoni havha vhe vha vha vhe mudededzi, vho mama vha siela nne. Nahone ndi muniwe wa vhathu vhe ra vha ri tshi khou ita hovhu vhugevhenga navho. Amen! Ndi Dzhalagoma ane e u ralo ha vuwa mifhululu na Amen dzi sa fheli. Zwo ri u ralo a ya a dzula.

Duvha heli line Dzhalagoma a khou nea vhutanzi ngalo ho vha hu na vha tshititshi tsha radio vhe vha da u theipha mulaedza une wa do neiwa, u pfa uri vhathetshelesi vha tshititshi tshenetsho vha do kona-ha u pfa uri mulaedza wa duvha ilo ndi wa tshivhidzo tshifhio, nahone u khou vha gudisa zwifhio.

Vhenevho vhathu vha radio vho mbo di takalela vhutanzi ha hoyu Dzhalagoma; ha vho swika hune vha vhu longa kha theiphi dzavho. Hezwi zwo ita uri musi vhutanzi ha Dzhalagoma vhu tshi hashiwa muyani, shango lothe li bvume, nahone li tavhe mukosi wa uri zwigevhenga izwo nga zwi farwe.

Muta wa ha Luvhoni Netbulwe, khonani dzothe dza Dzhalagoma khathihi na vhothe vhe Dzhalagoma a ambulula, vho mbo di vhoxwa vha poswa dzhele.

Dzhalagoma namusi ndi thanzi ya muvhuso, nahone o no vha nwana wa Mudzimu. Hune wa mu wana hone u di mu vhona o fara kubege kutshena ku dzulaho na Bivhili ngomu. Ha nga vha hu dzikhonani dzawe, na vhothe vhe vha farelwa vhugevhenga na vhuvhava hohu, na zwino ri tshi khou amba, vha kha di vha dzhele. Maduvha manzhi ane vha tea u senga ngao, u di pfa hu tshi pfi o fliriselwa phanda sa izwi hu tshi kha di itwa dzinwe thodisiso.

Naho zwigevhenga hezwi two no vha na muimeleli wazwo siani la mulayo, zwi tou nga zwauri zwi wanale zwi si na mulandu, ndi mafhongo ane a do konda vhukuma. Kha vha ri muthu a litshe u ambesa nga ha u bva na u sa bva ha havha vhathu; zwinzhi zwi do pfala zwenezwo duvha la tsengo. Fhedzi-ha, vhothe havha vho farwaho, u di pfa vha tshi di ri ngavhe Dzhalagoma a si bulule, ndi musi namusi vha tshi do vha vha siho vhuladani vhungafha.

Ee, itali mulifho wa mmbwa hu yone thoho yayo. Mulayo ndi wonne une wa do shuma.

- 8.1 Mafhongo aya a khou bvelela nga duvha le ha vha hu na mini nahone muhumbulo wa Dzhalagoma na khonani dzawe vha tshi da afho fhethu wo vha u ufhio? (2)
- 8.2 Ndi tshini tsho itisaho uri Dzhalagoma a diwane e kha nyimele iyo ye na vhala mafhungoni ayo? (2)
- 8.3 Nga nnnda ha u vha murathu na mukomana ndi vhufhio vhushaka vhune ha vha hone vhukati ha Dzhalagoma na Vho-Luvhone? Tandavhudzani. (2)
- 8.4 Zwa u didzhenisa kha vhugevhenga two fhedza two bveledza zwifhio kha muta wa ha Nethulwe? (2)
- 8.5 Phambano ine ya vha hone vhukati ha Vho-Emeli na Dzhalagoma zwi tshi ya kha tshiutuwedzi tsha u didzhenisa kha vhugevhenga ndi ifhio? (2)
- 8.6 Talutshedzani muhumbulo muhulwane une muiwali a tama u u pfukisela vhathuni nganeani iyi? (2)
- 8.7 Ndi tshini tsho itisaho Vho-Luvhone uri vha tutshele mushumo wavho wa vhudededzi? (2)
- 8.8 Zwine Vho-Luvhone vha ita buguni iyi zwi bvukulula hani mvumbo yavho? (3)
- 8.9 Nangani phindulo yone-yone kha mutevhe wo nekedzwaho afho fhasi:
- Mulilo wa mbava a u o rwi, murero uyu u kwamesa:
- A Luambo
 B Vho-Luvhone na Vho-Emeli
 C Dzhalagoma na khonani dzawe
 D A na C (1)
- 8.10 Ndivho ya muiwali ya u ita uri Dzhalagoma a diwane o dzhena kerekeni ndi ifhio? (2)

- 8.11 Kutshilele kwa Vho-Emeli ni vhona ku tshi tanganedzea na afha buguni iyi? (2)
- 8.12 Lifurase lo swifhadzwaho na u talelwa mafhungoni aya e na vhala li kwama hani kupfesesele kwa kwa mafhungo a nganea iyi? (3)
[25]

KANA

MBUDZISO 9 (MBUDZISO NDAPFU)

BULAYO LO TALIFHAHO – AW Magau

Sengulusani ni tshi sumbedza kubveledzelwe kwa muanewa dendele nganeani iyi. [25]

KANA

MBUDZISO 10 (MBUDZISO PFUFHI)

BULAYO LO TALIFHAHO – AW Magau

Vhalani tshipida tshi tevhelaho tsho bviswaho buguni iyi uri ni do kona u fhindula mbudziso dzi no tshi tevhela.

Zwino ha da-ha tshifhinga tsha uri hu takuswe vhothovhela Mphaga vha zwe zwe vhatu vha kuvhanganelo zwone uyo musi. Musi vha tshi takuwa mifhululu ye woo! Tshikona tsha ri luthihi mvee! Vho-Mphaga vho livhuwa na u resha vhatu vhothe vho daho.

Zwenezwi gogo li kha di vha lo thetshelesa vha ri khalo, 'Muthu a ambaraho nguvho ntswu dza mavhidani u amba na u ita zwa mavhidani. Nne namusi ni tshi vhona ndo ambara hoyu mukumba wa nngwe we nda dzheniswa nawo vhuhosini ndo fanelwa nga u amba mafhungo a vhuosi na zwa shango. Vha hashu mashaka, ni fhano thariwe no da u todou pfa mafhungo a mufhirifhiri wa Dovhoni. Vhaiwe-vho vho da u la na u vhona tshikona.'

Vha amba vha ombedzela uri mafhungo eneo o vha zwitshele nahone o itwa nga vhalutanyi. Arali hu vhatu vha didzulele vho takala. Vha tshi isa phanda vha ri, 'Arali a mafhungo a tshikolo na kiliniki zwi re Dovhoni ndi do zwi thusedza. Tshikolo tshone ndi funa tshi tshi vha sibadela tshihulu.' Mifhululu ya vakegulu ye ri woo! Vhanna vhothe vha tou vhanda zwanda. Vho-Mphaga, 'Zwa muvhango Dovhoni two itwa nga vhalutanyi. Huno munna ane a ita mishumo mivhi u vha na phungo mmbi, na zwivhuya zwave zwi a fhungudzea. U nga munna a difhataho nga mazuwo, vhahura vhaweha vha a mu thutha vha mu pwashokanya. Zwo nakaho ndi musi muthu a tshi zuwiwa a fhatiwa nga vhahura vhaweha. Nga mini? Ngauri a vha tsha do mu thutha sa izwi vhe vhone vho mu fhataho nga mazuwo avho.'

Onoyo munna wa mazuwo a tshi wa a hu na ane a nga mu vusa. **U nga tshauka tsha thavha khulu tshine tsho wa tshi si tsha humela murahu.**

Vhanzhi vhe vha vha saathu u pfa vhothovhele vha tshi zwa vha kanuka kuambele kwavho vha lindela zwi no do zwiwa nga murahu. Vho-Mphaga, 'Mufhirifhiri wa Dovhoni wo itwa nga vhanna vha vhutshivha na vhubva. Nne Mphaga ndi ri: Vhubva vhu na vhasadzi vhā vha vhafunwa vhahulu.

'Madzina a vhenevho vhasadzi ndi Madakalo, Maseo, na Makwali, na Makwakwalala. Vhana vha hone ndi vhanzhi nahone vhothe ndi vhavhulahi vhahulu. Maiwe a madzina a vhana vha hone ndi: Zwitshele, vuvu, vivho, vengo, vhutshivha, gonyololo, mbiti na nndwa. Hu na vhanna vha vha nda do vha vhidza vha da vha ima hafha kha khuluñoni vha wana malamba a mishumo yavho.' Lenelo fhungo lo ita uri vhathu vhanzhi vha thetshelese vha tshi vho thoma u dudumela u itela u vhona uri vhathu avho vha nga vha vhonnyi?

- 10.1 Ndi shango lifhio le Vho-Mphaga vha vha vhe khosi khalo nahone muhumbulo muhulwane wa u kuvhanganya vhathu musanda uyo zwino wo vha ufhio? (2)
- 10.2 Ndi tshini tshe tsha ita uri Vho-Mphaga vha vhidze na mapholisa kha guvhangano ili? (2)
- 10.3 Vhushaka vhune ha vha hone vhukati ha Vho-Lugisani na Vho-Mphaga ndi vhufhio? Tanđavhudzani. (2)
- 10.4 Zwitshele zwe zwa itwa nga Vho-Mamidze na khonani dzavho zwo bveledza zwifhio nganeani iyi? (2)
- 10.5 Ho vha na tshanduko-de kha shango ja Dovhoni ro sedza Vho-Lugisani vha sa athu vha mukoma na nga murahu ha musi vho no vhewa vhukoma? (2)
- 10.6 Talutshedzani muhumbulo muhulwane une muñwali a tama u u pfukisela vhavhali nganeani iyi? (2)
- 10.7 Tsho tuwedzaho Vho-Mamidze na khonani dzavho uri vha ite bulayo lo talifhaho ndi mini? (2)
- 10.8 Zwine Vho-Mamidze vha tshilisa zwone buguni iyi ni vhona zwi tshi bvukulula hani mvumbo yavho? (3)

10.9 Nangani phindulo yone-yone kha mutevhe wo ḥnewaho.

Manwalo a bvaho muvhusoni o livhaho kha Vho-Mamidze na vhamusanda Vho-Mukhetho a amba zwi tevhelaho:

- A u pandelwa shangoni vha ḥtuwa vha si na tshithu.
- B nga nnda ha u pandelwa shangoni vha fanela u bva vhufunzini na vhuhosini.
- C u pandelwa shangoni na mashaka avho othe.
- D u pandelwa shangoni vha dovha vha farwa. (1)

10.10 U ya nga ha muhumbulo waṇu ni vhona unga ndi zwifhio zwe zwa vha zwi tshi nga bvelela arali Vho-Lugisani vho vha vha songo imelela ngoho hu tshi sengisiwa milandu khoroni Mphagane? (2)

10.11 Kutshilele kwa Vho-Lugisani ni vhona ku tshi ḥtanganedzea naa? Ḫtikedzani. (2)

10.12 Lifurase ḥlo swifhadzwaho na u talelwa mafhungoni aya e na vhala ḥi kwama hani kupfesesele kwaṇu kwa mafhungo a nganea iyi? (3)

[25]

KANA

MBUDZISO 11 (MBUDZISO NDAPFU)

MAFELADAMBWA – NE Sigogo

Sengulusani ni tshi sumbedza kubveledzelwe kwa muanewa dendele nganeani iyi. [25]

KANA

MBUDZISO 12 (MBUDZISO PFUFHI)

MAFELADAMBWA – NE Sigogo

Vhalani mafhungo a tevhelaho uri ni ḥdo kona u fhindula mbudziso dzo ḥisendekaho khao.

Liṇwe ḫuvha Tshimangadzo a tshi vhuya tshikoloni a dzhena o tou sinyuwa vhukuma. A tshi dzhena afha hayani, o wana mme awe vho dzula ngomu nduni. Vha khou endela u ita zwa u dirungela zwithu zwavho. Ene o ri u dzhena nduni a mbo di fhirela kamarani yawe ḥe a diposa mmbeten e tshovho! Khuvha a tshi fhira afha ḥe mme awe vha dzula hone ḥo fhira na u amba kana u vha lumelisa zwaho a songo hu ita.

'Ai! Tshimangadzo ንwananga, mulandu ndi mini ni tshi pfuka sa ni no nga a no ngo vhona muthu? Ho tou tshinyala mini ንamusi? No dinwa nga nnyi?
'A hu na,' Ndi ene Tshimangadzo.

'Ni a zwifha ንwananga, nne ni khou ri inwi a thi ni divhi-shu? Ipfi ሽanu arali ዥ takala ሆ a pfala, zwino ንamusi ipfi a ዥ ngo thanya. Musi no takala ndi tou ni vhona na musi ni tshe kule. Zwino kuamble kwaṇu a ku khou ntanzwa lini. ንwananga, idani ni mmbudze two ni dinaho. Ngoho ንamusi ni khou sokou sinyuwa, a ni divhi zwauri ndo ri u vhona makole haya nda mbo ደi tou ni bikela dombolo nda ni itela na swobo ya marambo. Ngavhe ni tshi ስivha uri ndi ni funa hani ንwananga, no vha ni sa nga ደo lenga u mmbudza zwine zwa khou ni dina.'

Tshimangadzo ha ngo tendela mme awe uri hu na two mu dinaho lini. Mme vha tshi vho pfa a tshi ri ሁeneļo dombolo ስine vha ሆ ስivha a tshi ሆ funesa ha khou ለa, vha mbo ደi tou takuwa vha ya henengei kamarani hune a khou amba e hone. Vha tshi khou ደi mu vhudzisa vha tshi ya phanda, a mbo ደi ቴhukhula tshililo tshihulu. Vho-Maemu vho mu kwengweledza vha sokou vhuya vha amba zwino na zwila vha tshi ri mbilu yawe i we uri a kone u toolola zwine zwa khou mu dina. Nangoho nga murahu o vhuya a fhumula a kona u toolola.

'Mmawe mafhungo ane nda khou lilela one a si anga lini,' a tshi ralo u khou fekemula.

'Zwino a si anu ንwananga, ni khou lilela mini ngauri a si anu?'

'Ndi khou lila ngauri a kwama vhone mmawe.'

'Nwananga, a thi ri muthu ndi wa u ambiwa naa?

Vha kale vho amba vha ri tendamudzimu matamba ha ሆ muthu. Inwi ni songo fhela mbilu.

- 12.1 Bulani dzina ለa khotsi a ንwana we a vhuya a tshi khou lila mafhungoni aya e na vhala nahone muhumbulo wa muñwali kha u ንekedza enea mafhungo ni vhona u ufhio? (2)
- 12.2 Tshimangadzo o itiswa ngani uri a vhuye a tshi khou lila tshikoloni? (2)
- 12.3 Vhushaka vhune ha vha hone vhukati ha Vho-Maemu na Vho-Sara ndi vhufhio? ተandavhudzani no ደisendeka nga mafhungo e na vhala. (2)
- 12.4 Mafhungo a u pomokana vhuloi o bveledza zwifhio nganeani iyi? (2)
- 12.5 Kutshilele kwa Vho-Maemu na Vho-Sara nganeani iyi ku ita uri vha fhambane hani? (2)
- 12.6 Talutshedzani muhumbulo muhulwane une muñwali a tama u u pfukisela vhathe nganeani iyi. (2)

- 12.7 Tsho itisaho uri Mawela a humbule u fhisedzela Vho-Maemu ndi tshifhio? (2)
- 12.8 Zwine Mawela a tshilisa zwone buguni iyi ni vhona zwi tshi bvukulula hani mvumbo yawe? (3)
- 12.9 Nangani phindulo ine ya vha yone-yone kha mutevhe u re afha dasi:
 Murero uyu 'Huvhala, malofha a u dodzwa ha fari' afha nganeani u kwamesa:
- A Ailwei a tshi thavhiwa nga mupfa wa mukavhavhe.
 - B Vho-Maemu vha tshi pomokwa vhuloi vhune vha si vhu divhe.
 - C Mawela a tshi farwa nga Vho-L^lialama a tshi khou ṭodou fhisedzela mudi.
 - D A na B
- (1)
- 12.10 U ya nga ha muhumbulo waṇu ni vhona unga ndi zwifhio zwe zwa vha zwi tshi nga bvelela arali Mawela o vha a songo fariwa musi a tshi ṭoda u fhisa mudi wa Vho-L^lialama? (2)
- 12.11 Zwiito zwa Vho-Maṭodzi ni vhona zwi tshi ṭanganedzea? Tikedzani. (2)
- 12.12 L^lifurase ili 'Tendamudzimu maṭamba' ha ili muthu' ili ni thusa hani u pfectesa mafhungo aya e na vhala buguni. (3)
- [25]

THANGANYELO YA KHETHEKANYO YA B: 25

KHETHEKANYO YA C: DIRAMA

Fhindulani mbudziso NTHIHI kha khethekanyo iyi.

MBUDZISO 13 (MBUDZISO NDAPFU)

HA U TSA NDI HA U GONYA – LL Mafenya na NA Milubi

NA ZWONE ZWI A DINA – LL Mafenya

Sengulusani ni tshi sumbedza uri zwiito zwa Marubini zwo thusedza hani kha u bveledza theru diramani iyi.

[25]

KANA

MBUDZISO 14 (MBUDZISO PFUFHI)***HA U TSA NDI HA U GONYA – LL Mafenya na NA Milubi******RALUTANDA – NA Milubi***

Vhalani tshipida tshi tevhelaho tsho bviswaho buguni iyi uri ni do kona u fhindula mbudziso dzo disendekaho khatsho.

Sofi:	A u vholi-ha. Ho dzhena Ralutanda munna wa lufuno lwa lutanda. Hu si tshidakwa hetshila tshi no todou tshinyadzela muthu tshifhinga.
Ralutanda:	Tshidakwa tshanu tsho mmbulahisa phepho ni a divha. Idzanu pfa uri muvhili wanga u khou rothola hani nga phepho.
Sofi:	Hafhu ndo tou fa u thatha. Ho vha hu tshi vho pfi a thi tuwi, ndi todou vhona hoyu muthu a no khou ni pengisa. Khavhe ndi si tou pandela ndi musi vha tshi do vha vho omela goloini.
Ralutanda:	(<i>Vha fara Vho-Sofi vha vha khisa</i>) Ndi ni funela u vha na muhumbulo wo thanyaho.
Sofi:	Atsina vhone vha mpfunela muhumbulo wo thanyaho fhedzi.
Ralutanda:	Ndi ni funela zwothe.
Sofi:	Zwothe na mini?
Ralutanda:	(<i>Vha khisa Vho-Sofi vha tou vha omelela</i>) Zwothe na mini na mini.
Sofi:	Mini ya mini?
Ralutanda:	Mini ya musi ri lufunoni ngaurali ri tshi khou ralo u isana lufherani lwa ngomu ngomu.
Sofi:	Nne a thi todzi zwa lufherani lwa ngomu ngomu vhananga vha tshee vho dzula.
Ralutanda:	Hafhu na nga mađuvha ri tshi di ya ngeno vhone vho di dzula zwavho.
Sofi:	(<i>Vha tshi litshedzana</i>) Hoo! Kha vha ri ndi ye ndi vha vulele thivii uri musi i tshi khou vha itela phosho, phosho ya thivii yashu vha si i pfe. (<i>Vha a ya vha funga thivii, vha vhuya vha thoma u ditonda nga lufuno Iwavho</i>).
Ralutanda:	(<i>Vho sedza Sofi matoni</i>) Sofi, hone khezwi ndi songo thoma nga u tangana na inwi vhutshiloni. Ndo tanganywa na Sara, liiwe fola-vho heli li si na mukango.

Ralutanda: Vho ḥanganywa nga nnyi?

Sofi: Ro ḥanganywa nga o ri ḥanganyaho. Vhe o ri ḥanganyaho ha khakhi Fhedzi tshine nda divha ndi tsha uri ndo thoma nga veine i sa ḫifhi. I ḫifhaho ndi sala ndi tshi ḥangana nayo zwino.

Ralutanda: Vha amba uri ndi waini i ḫifhaho?

- 14.1 Ndi ngafhi huīwe he Vho-Ralutanda vha vha vha tshi ḥangana hone na Vho-Sofi nahone ndi ngani vho vha vha tshi ḥangana afho fhethu? (2)
- 14.2 Ndi ngani Vho-Sofi vho vha vha tshi funa vhanna nga vhavhili? (2)
- 14.3 Vho-Ralutanda na ḫohoyatshikolo Vho-Fhelani vha ḥanganelana ngafhi? (2)
- 14.4 Mafhungo a Vho-Ralutanda a u funana na Vho-Sofi o bveledza zwifhio diramani iyi? (2)
- 14.5 Kutshilele Kwa Vho-Sofi na Vho-Sara ku fhambana hani ḫiramani iyi? (2)
- 14.6 Talutshedzani muhumbulo muhulwane une muīwali a tama u u pfukisela vhavhali ḫiramani iyi. (3)
- 14.7 Ḫirama iyi i bvukulula hani zwine muīwali a tenda khazwo ri tshi sedza ndeme ya zwa matshilisano shangoni? (2)
- 14.8 Vho-Sara vho bveledzwa sa muthu-đe? (2)
- 14.9 Nangani phindulo yone-yone kha mutevhe wo ḫekedzwaho afho fhasi:
Vho-Ralutanda vha paka goloi yavho ha muhura ngauri:
 A Vha shavha u vhonwa nga vhathu.
 B Vha shavha u wanedzwa nga Fhelani.
 C Vha ḫonifha mufumakadzi wawe.
 D Vha ḫofha vhana vha Vho-Sofi. (1)
- 14.10 Zwiito zwa Vho-Ralutanda zwa u vhulaha mufumakadzi zwo vha na masiandaitwa afhio? (2)
- 14.11 Zwiito zwa Vho-Ralutanda ni vhona zwi tshi ḥanganedzea? Tikedzani. (2)
- 14.12 Ni a ima na tsheo yo dzhiwaho nga Vho-Muthathi vha inshuwarentsi na malugana na mbilo ye ya vha i tshi ḫodou u itwa nga Vho-Ralutanda? Tikedzani. (3)

[25]

KANA

MBUDZISO 15 (MBUDZISO NDAPFU)***MILOMO YA NUKALA – MP Nefefe***

Sengulusani ni tshi sumbedza uri zwiito zwa Vho-Bukuṭa zwo thusedza hani kha u bveledza therō diramani iyi.

[25]

KANA**MBUDZISO 16 (MBUDZISO PFUFHI)*****MILOMO YA NUKALA – MP Nefefe***

Vhalani tshipida tshi tevhelaho tsho bviswaho buguni iyi uri ni ḫ do kona u fhindula mbudziso dzo ḫ disendekaho khatsho.

Vho-Ramunswu:	Ndo livhuwa. Zwiitwana zwa Ntshengedzeni ano mađuvha ngoho a zwi khou vhuya zwa pfesesea na luthihi. A zwi kondi kha Ntshengedzeni uri u wane o edela kilasini ngeno vhadededzi vha tshi ḫ di vha vhukati na u funza. Kana wa ri u tshi mu vhudzisa mbudziso a tou tshenuwa. Khamusi a fhedza nga u amba zwithu zwa thungo-thungo zwi sa elani na zwine zwa khou funziwa. Tshiñwe tshifhinga u tou wana muvhigo u no khou bva kha vhariwe vhana vha tshikolo vha tshi khou talutshedza uri Ntshengedzeni u khou sokou lila e ethe. Zwino riñe sa vhadededzi hezwi zwithu a zwi khou ri fara zwavhuđi na luthihi. Ri khou vhona hoyu ñwana e na thaidzo i sa takuwi.
Vho-Raiwedzi:	Ro lingedza nga ndila dzothe uri ri pfe thaidzo yawe. Zwothe zwi sokou sea zwi tshi ḫ tanama. Ndi ngazwo vha tshi vhona ro vhuya ra tou vhidza iwe vhabebe vha ñwana uri ni ḫ divhe zwine ra khou ḫ tangana nazwo.
Vho-Bukuṭa:	Zwino vhoiwe arali ñwana o tou landula ene muñe a ri ha na thaidzo, vhoiwe zwi ni vhavha ngafhi?
Vho-Raiwedzi:	A si mafhungo a u vhaisala fhethu lini. Sa mudededzi o imelaho vhubebe musi vhana vha fhano tshikoloni, nñe ndi vhona zwo tea u ita ndilomuthathe kha u alusa havha vhana.
Vho-Takalani:	Hafho vha khou amba ngoho vhophirisipala. Ñwana ndi washu rothe.
Vho-Bukuṭa:	Vhathu kha vha litshe u sokou twa vha tshi sudzunganya ñwana o ḫ diawetshela. Vhoiwe ni khou dinwa ngani arali o awela?
Vho-Takalani:	Hai! Nandi khotsi a Tsumbedzo! Ri nga si ri ñwana o awela ngeno o edela kilasini. Vha pfa a mafhungo eneyo ane vha khou amba?

Vho-Buku^{ta}: Nne vhathu kha vha humise zwanda zwavho kha niwananga. Ha lwali hoyu niwana! Na luthihi ha lwali! Ndi a zwi divha nne!
(Vha tshi vhudzisa Ntshengedzeni) Nandi u khou lwala iwe?

Ntshengedzeni: (*O kotamela fhasi*) Hai.

- 16.1 Ndi ngafhi fhethu hune vhaambi vha aya mafhongo vha khou amba vhe hone nahone ho vha ho bvelela mini? (2)
- 16.2 Ndi tshini tsho itisaho uri Ntshengedzeni a delwe nga muhumbulo wa u divhulaha? (2)
- 16.3 Vhushaka vhune ha vha hone vhukati ha Tsumbedzo na Ntshengedzeni ndi vhufhio? (2)
- 16.4 Mafhongo a Ntshengedzeni a u sa bulu tshiphiri tsha zwi mu vhaishaho o fhedza o bveledza zwifhio? (2)
- 16.5 Vho-Buku^{ta} na Vho-Ramunswu vha fhambana ngafhi? (2)
- 16.6 Talutshedzani muhumbulo muhulwane une muñwali a khou ḥoda u u isa vhathuni nga dirama iyi. (3)
- 16.7 Dirama iyi i bvukulula hani zwine muñwali a tenda khazwo ri tshi sedza ndeme ya zwa matshilisano shangoni? (2)
- 16.8 Vho-Buku^{ta} vho bveledzwa sa muthu-de? (2)
- 16.9 Nangani phindulo yone-yone kha mutevhe wo nekedzwaho afho fhasi:
Vho-Buku^{ta} vho vha vha tshi dzulela u rwa Tsumbedzo nge:
- A A vha a tshi vha sola musi vho dzula na mme awe.
 - B A vha a tshi vha nyadza.
 - C Vha vha vha tshi ḥoda uri a vha vhone sa ndau.
 - D A vha a tshi imelela Ntshengedzeni. (1)
- 16.10 Zwiito zwa Vho-Buku^{ta} zwa u tambudza vhana na mufumakadzi zwo vha na masiandaitwa afhio? (2)
- 16.11 Kutshilele kwa Vho-Buku^{ta} ni vhona ku tshi ḥanganedzea? Tikedzani. (2)
- 16.12 Inwi ni vhona khat^hulo ye ya newa Vho-Buku^{ta} nga khothe yo lulama naa?
Tikedzani. (3)
- [25]